



Broj: 01/04-14-4276-3/18
Sarajevo, 24.08.2018. godine

Na osnovu člana 69. stav (2), tačka e) Zakona o javnim nabavkama Bosne i Hercegovine ("Službeni glasnik Bosne i Hercegovine", br.39/14) i člana 38. stav (1) Statuta Grada Sarajeva ("Službene novine Kantona Sarajevo", broj: 34/08-Prečišćeni tekst) Gradonačelnik Grada Sarajeva, donosi

ODLUKU
o poništenju postupka javne nabavke

I

Poništava se postupak javne nabavke „Sanacija i čišćenje zidova korita rijeke Miljacke od Bentbaše do mosta u ulici Hamdije Čemerlića“ iz razloga što je cijena prihvatljive ponude znatno veća od osiguranih sredstava za predmetnu nabavku.

II

Ova odluka stupa na snagu danom donošenja.

Obrazloženje:

Odlukom broj: 01/04-14-4276/18 od 26.07.2018. godine, pokrenut je postupak javne nabavke „Sanacija i čišćenje zidova korita rijeke Miljacke od Bentbaše do mosta u ulici Hamdije Čemerlića“, putem Konkurentskog zahtjeva. Obavještenje o nabavci objavljeno je na portalu Agencije za javne nabavke, broj: 1278-7-3-223-3-26/18 dana 01.08.2018. godine. Sa portala Agencije za javnu nabavku 7 ponuđača je preuzelo tendersku dokumentaciju.

Komisija za javnu nabavku imenovana Rješenjem gradonačelnika, broj: 01/04-14-2693-2/18 od 26.07.2018. godine, na sastanku održanom 14.08.2018. godine, utvrdila je da u određenom roku za dostavljanje ponuda na protokol ugovornog organa zaprimljena 1 (jedna) ponuda i to: Bosman d.o.o. Sarajevo.

Nakon izvršene detaljne analize prispjele ponude, Komisija za javnu nabavku utvrdila je da je ponuda ponuđača Bosman d.o.o. Sarajevo, dostavljena u skladu sa tenderskom dokumentacijom te da cijena dostavljene ponude iznosi 82.322,50 KM bez PDV-a i da je znatno veća od osiguranih sredstava za predmetnu nabavku.

S tim u vezi Komisija za javnu nabavku sačinila je zapisnik o pregledu i ocjeni ponuda od 16.08.2018. godine, i dala preporuku gradonačelniku da se postupak poništi **iz razloga što cijena prihvatljive ponude znatno veća od osiguranih sredstva za predmetnu nabavku.**

Postupajući u skladu sa članom 69. (Prestanak postupka javne nabavke), stav 2. tačka e) Zakona o javnim nabavkama ("Službeni glasnik BiH" broj 39/14), kojim je propisano sljedeće:

Ugovorni organ je obavezan poništiti postupak javne nabavke u slučaju da:

-cijene svih prihvatljivih ponuda znatno su više od osiguranih sredstava za predmetnu nabavku, a imajući u vidu činjenicu da osigurana sredstva u Budžetu Grada Sarajeva za predmetnu nabavku iznose 44.000,00 KM kolika je i procijenjena vrijednost nabavke, dok cijena ponude ponuđača BOSMAN d.o.o.



iznosi 82.322,50 KM bez PDV-a odnosno 96.317,33 KM sa PDV-om i znatno premašuje osigurana sredstva, gradonačelnik Grada Sarajeva je prihvatio preporuku Komisije.

Shodno naprijed navedenom gradonačelnik Grada Sarajeva donosi ovu Odluku.

POUKA O PRAVNOM LIJEKU:

Protiv ove Odluke može se izjaviti žalba putem ugovornog organa u roku od 5 (pet) dana od dana prijema Odluke.

Gradonačelnik Grada Sarajeva

mr. Abdulah Skaka

DOSTAVITI:

- Ponuđačima
- a/a